

表解叢書

外交史表解
下編

科學
上海
學印
書局

法政經濟學叢書

外交史表解

中華民國三年九月排印
中華民國三年十月發行

定價大洋二角



編輯所

上海科學書局編輯所

發行者

上海科學書局

印刷所

上海科學印局

分發行所

廣東北京
奉天漢口
科學分局

代售處

各省大書局

總發行所

上海

科學

學

書

局

煤盤街北段九十至九十一號

外交史表解下編

丹徒王銑編輯

第十二章 英法之軋轢

一、英法親交之難

英法協商。以東歐危變而破裂。路易腓律勃知孤立之危險。一方謀與奧國訂結同盟。一方則欲與英國棄嫌修好。一八四一年八月三十日。美波倫之內閣。悉行退職。越三日。魯彼特卑爾入爲首相。亞卑近卿爲外務大臣。二人皆固執平和主義。欲與法修舊好。徒以爲北歐三國離間。而二國利害。又多不相容。重以二國王室。各懷異志。故卒不易言歸于好。

初英國政府本其博愛心與利己心。欲廢黑奴之買賣。經維也納會議。遂于一八三一年十一月三十日及一八三三年三月二十二日。與法國結兩條約。決定于阿非利加海岸。嚴爲監視。所謂監視者。即于各國船舶。有運輸黑奴之嫌疑者。可恣爲搜索是也。其後英國更欲擴張其權限以及于歐美兩洲。俄普奧三國均無異議。法國政府欲買英國歡心。亦即承認。以一八四一年十二月二十日新條約。遂至畫諾。但法國人仇英至深。故代議院竭力反對此舉。政府不得已。請延時。日時北歐三國于此條約。均已批准。獨以法國故。至延此談判。英國政府深爲不悅。至

一八四一年及
一八四二年搜
查權問題

三、法比二國關稅同盟案之失敗

一八四二年十一月九日。法國政府爲議院所迫。復告英國政府。不能批准此條約。于是英國之仇法憤法益深矣。英國政府以法國背約。欲盡力排擠以洩其憤。時德國聯邦。適更訂關稅同盟。其勢力直及于歐洲各國。比利時國產。致因此失其銷路。比利時政府乃與法國謀。互結關稅同盟以抗德國。法國政府可其議。方欲訂結條款。英國政府即出而干涉。復囑令北歐三國合力反對。法政府力爭無效。遂中止其事。

四、于西班牙英法之陰謀

初西班牙首相威斯卡特路得英國政府保護。遂其母后瑪利克理士奴。擁立其幼主伊查伯爾。一八四一年五月八日。遂自爲攝政。但英國政府。雖力爲援助。而法國政府。則百計圖傾覆之。瑪利復煽本國黨興起而倡亂。于是一八四二年末。巴士路奴揭竿而起。傾其國力。僅得無事。及一八四三年一月。威斯卡特魯行其政策。大爲議院所排擊。西班牙人民遂羣起而抗其暴政。瑪利克理士奴親臣拿巴伊縑將軍。直自巴黎發兵襲之。七月二十九日威斯卡特魯遂航海而逃赴英國。法國于此。固喜不自勝。然其所以賈恨英國。亦益至矣。

五、路易腓律勃之殖民政略

當時法國殖民政略。頗著成效。英國則殆盡失敗。甚爲嫉妬。而于法之經略鴉遮里。則尤爲側目。一八四一年。使將軍標佐。以大軍數萬。往勦亞拉伯人。于是亞勃的略力不能支。雖得馬刺加及英國之援。亦不能取勝。鴉遮里全土。遂皆爲法國所號令。其後法國更發兵克馬刺加。英國政府恐其恣意侵略。遂假摩歷以聲援。使延此戰爭。以老法國之師。

六、英法二王之會 晤及法國于西 班牙及希臘之 成功

然當時卑爾內閣。以內治廢弛。恐絕法國之非計。往說法國少爲遜讓。一八四三年九月。女王域多利亞更親赴巴黎。以訪問路易腓律勃。且謀兩國協商。但欲讓只館以甘言。于協商之事。絕不提及。英國政府以受此輕侮。大爲憤怒。欲援助西爾十世之繼嗣波特公。以傾覆法國王統。法國亦提出更正禁賣黑奴條約以報之。復說西班牙政府。使迎瑪利克理士奴歸國。以排斥英國勢力。其在希臘。則力助其王黨。使攻擊首相英國黨瑪威魯格打。即于一八四四年八月覆之。而組織新內閣。

七、馬拉加及泰治 事件

馬刺加政府。屢不禮于法國。已如上述。及一八四四年春。馬刺加國民爲亞勃的喀所煽動。更侵入法領之鴉遮里。法國政府乃使其大將標佐及公爵約翰威爾。率海陸大軍以襲之。八月中旬。連戰皆捷。英國政府聞之。頓生嫉妬。但法國政府實無征略馬拉加之心。故雖獲大勝。並不侵入內地。英國政府無可干與。乃使其宣教師勃律查煽誘法國保護。泰治島之女王波麻列。叛法獨立。及一八四三年十一月。法提督焦伯至是島。目擊此狀。遂廢女王之位。宣言舉疎賒的羣島皆歸法屬。並捕勃律查而逐出境外。此報達于倫敦。英國人民對法人之敵愾心。殆達極點。英法兩國。幾欲以兵戎相見。但路易腓律勃仍堅守平和主義。于英國所要求。決容其議。路易之爲此。蓋以是年俄帝嘗親訪英王于倫敦。疑其將結同盟以敵己國。故亟欲容英國之請。以收平和之局。八月二十九日。遂令首相欲遣致書于英國政府。深謝放逐勃律查之罪。九月二日。更如英國提議。出若干償金以償

八、搜查權問題之決定

勃律查損害。十日與馬刺加王于但遮訂媾和條約。一切條件。皆如戰前。

一八四四年十月。法王路易腓律勃訪英女王于魯疎爾。致敬盡禮。以表交好。但兩國人民。則猜忌愈深。法國人極口主張廢棄禁賣黑奴條約。英國人民則極力反對之。一八四五年三月。兩國乃各派委員于倫敦協定新約草案。茲將其所定條件錄下。一、監視區域。以阿非利加東海岸爲限。二、英法兩國。各派巡邏船二十六艘于此區域。三、兩國互廢搜查權利之約。四、暫行中止之一八三一年及三三年條約。此後十年以內。再不實施。則全歸廢棄。此條約實大不利于英國。後英國政府雖知之。而已無及矣。

九、西班牙女王之結婚問題

是時法國政府。于西班牙實占無上勢力。會英國欲以域多利亞女王夫亞卑路親王從兄弟遼波爾親王。與西班牙女王伊查伯爾結婚。冀植其勢力于馬德里。法國則欲選擇普路碰家王族以爲伊查伯爾之夫。梅特涅則欲使頤伽魯以西班牙王位之權利。讓于其子。而使其娶女王伊查伯爾。路易腓律勃恐結怨于梅特涅。不敢公然反抗其議。使彼與頤伽魯互開談判。潛誘英國贊成已議。且提出以伊查伯爾妻拿勃路王弟德拉巴尼伯之議于英國政府。卑爾內閣陽如其約。而陰阻其謀。揚言謂德拉巴尼伯受遮焦咽派教育。頑固愚陋。殆無其比。路易亦無如何。初瑪利克理士奴欲以伊查伯爾妻路易之子。路易不允。瑪利克理士奴遂轉而屬望于遼波爾。及一八四五年九月。英女王再訪法王于威宮。路易腓律勃極力交好。盛言英法二國協商之必要。並欲假英國政府之援。使伊查伯爾妻普魯確家親王。英國各大臣。

十、法奧二國之關係及其非革命政策

第十三章

梅特涅之掉尾運動

口雖贊成。既歸國後。即力謀使遼波爾親王娶伊查伯爾。是年十二月。親王由倫敦赴里斯本。當時盛傳親王承英政府之旨。將赴西班牙。與伊查伯爾舉行婚禮。于是法國政府詰責英國政府之不信。雖暫止遼波爾于葡萄牙。其後無幾。路易腓律勃亦悟英國政府之真意。且知英法協商不可實行。大失所望。

法國政府。知不能與英協商。遂力與奧親。贊成梅特涅所堅持之非革命政策。且以國中舊政黨。屢反對政府。欲乞羅馬法王爲之調停而不得。而自由黨亦時迫脅政府。故益傾心與奧聯盟。冀可請其斡旋。而收羅馬法王之歡心。且藉以抗民主主義。時匈牙利波蘭意大利瑞士德意志諸國。或圖自由自治。或謀統一。或思獨立。皆紛紛擾擾。有不可抑遏之勢。梅特涅觀此情形。力求挽回之術。故亦欲引法以爲己助。

一、一八四六年歐洲列國及波蘭

北歐三國。知英法交惡。思乘機併吞克拉威小共和國。克拉威者。波蘭亡命之巢窟也。是時宣傳波蘭亡命。將于一八四六年二月十七日。相約起事。至期果一開而起。于是三國同發大軍。占領其地。旋由俄國發議。以克拉威合併于奧領卡利斯。奧國割地若干與俄普以爲之償。但普國反對此議。事遂中止。英法二國觀此情形。深爲憤激。即于翌年三月。連牒三國。謂占領克拉威。只許一時。不得據爲己有。三國政府恐英法二國。再相提携。以抗三國。遂陽奉覆示無他意。陰實

待時而動。後英法二國。因卑爾內閣之顛覆。與西班牙女王之結婚。果相分離。三國遂乘之而逞志于克拉威。

二、西班牙女王及其妹路緇腓治男之結婚

三、北歐三國對克拉威之無狀

四、梅特涅及奧德瑞意之革命運

一八四六年六月二十九日。英國保守黨內閣。全體辭職。自由黨代而組織內閣。巴美斯頓三出而爲外務大臣。其嫉視法國。無異疇昔。路易腓律勃亦猜疑如故。時以遼波爾親。王爲王婿之議。占大勢力于西班牙朝廷。法國政府乃使親法之西班牙首相伊士流忽。游說母后瑪利。瑪利悅其說。頓翻前議。但頓伽魯之子及德拉巴尼伯。亦不能娶。今可與伊查伯爾結婚者。當於其從兄弟嘉的士公及賒威路公中抉擇其一。法國君臣則主張以伊查伯爾妻嘉的士公。然英國政府仍欲使遼波爾親王娶伊查伯爾。旋以不易就。復薦賒威路公。迨七月初旬。母后瑪利允以伊查伯爾妻嘉的士公。以其妹路緇腓治男妻們邦蕭公。即于十月十日同時舉行婚禮。巴美斯缺以爲法國所給。憤慨異常。雖竭力恐嚇法國。卒無效果。但法國雖告成功。而英法協商。已破裂不可復挽回。路易腓律勃王政覆滅之期。殆不遠矣。英法既已分離。北歐三國乘此機會。于維也納訂一條約。以克拉威全境及其屬地。悉歸奧國。奧國則自卡利斯境內割其數郡。讓之俄普二國。以爲之償。歐洲各國。力攻此舉爲特強蔑理。英法二國尤甚。巴美斯缺及欽遭。遂皆出而抗議。然二氏知此事已無從挽救。不過循例敷衍。非必期其有效。故三國毫不置意。當時歐洲各國革命時機既至。人心恟恟。若隄將決。梅特涅深爲憂懼。奧國人民久苦于梅特涅專制政治。頗生厭倦。遂羣起要求自治。德意志諸邦。則盛唱統一

動

五、法奧二國之境遇

之說。謀設一中央政府。冀強其兵力以耀武揚威。瑞士則政權爲改革黨所掌握。意大利則欲驅逐奧大利人以圖獨立。

時奧國政府。深恐革命風潮簸盪。急欲擇一二同盟國以爲之防。但英普二國。均無助彼之望。所可援爲與國者。惟一法國。故梅特涅竭力與法國交歡。法王路易腓律勃及其首相欲遭。本甚畏忌革命。且懼德意志意大利將加害于己。遂力贊梅特涅之政策。但法奧二國。若果欲聯合。必排除一切障礙之物。而此實不可能。且二國之力。當未足以撲滅革命黨時。忽一強國出而反抗。則革命必更蔓延爆發。而無所底止。

六、彼此不相信之協商

奧國欲干涉德意志。求法國陰與爲援。法國政府疑梅特涅別有秘謀。陽諾其請。實則一切不爲之助。奧國遂以獨力臨德意志。勢力不支。且日減縮。梅特涅又欲與法聯合。以兵力干涉瑞士。欲遭初贊其議。旋以議會新聞紙及國中輿論之反對。遂詭辭以謝梅特涅。梅特涅以無助不敢輕動。瑞士改革黨乃乘此機會。決議解散遜的邦之同盟。並放逐遜焦咽教徒。至對于意大利。二國之扞搭更甚。梅特涅則欲力阻其改革之運動。以保護獨裁君主之權力。欲遭則欲扶掖各國之君主。使實行改革。以應近世社會之風潮。一八四七年八月。奧國以法王擅編護鄉兵。乘羅馬少有紛亂。即發兵而占領法王領內之域刺爾。法王求援于法。法提督約翰威爾。即率艦隊以赴法王領土之海岸。但奧法二國。均非有開戰之意。故梅特涅即容法國之請。撤域刺爾之兵。且求法國官吏。勿妄爲改革黨之援。

七、巴美斯頓之革命政策

巴達斯頓深恨梅特涅與欲遣。其于本國。雖力阻急進黨改革之謀。而于外則日與革命黨以聲援。謀所以困辱奧法二國。當瑞士遜的邦同盟諸州與新教諸州將開戰之時。奧法二國。欲加以各國干涉。巴美斯頓故爲遷延。及十一月二十六日。遜的邦同盟之兵。已一敗塗地。俄普奧三國。乃提出調停之議。巴美斯頓謂瑞士問題。既以兵力解決。無所川其調停。不允三國之請。于是革命主義。于瑞士全土。卒獲全勝。巴美斯頓猶以爲未足。更使間諜于意大利四布流言。謂法國政府。欲結奧而排斥革命主義。歐洲各國中欲爲意大利愛國黨盡力者。只一英國。意大利人民信以爲真。于是中央意大利。激昂憤發。殆若發狂。其禍亂直延于奧領倫巴治及威涅士二州。同時復慫恿拿勃人民。起創革命。發布憲法。

八、強壓政策之無效

意大利革命黨。已猖獗至此而奧法二國。猶互相猜忌。梅特涅則不欲法國以獨力鎮壓意大利之革命。再三敦促法國政府。以行共同干涉。欲遭則慫恿奧國先進兵于法王領土。爭議不決。曠日持久。至一八四八年二月二十三日。法國以政府禁民主黨之集會。人民與軍士忽相衝突。舉國譁然。紛亂大起。竭忠王室之國民軍。亦忽倒戈以與叛徒。王周章狼狽。無所適從。雖宣言讓位于太子。亦無擁戴之者。于是假政府遂設立共和政。大爲布告。路易率其皇族。倉皇出走。列國君主。得此警報。心胆戰慄。至是神聖同盟。已全絕其跡。革命主義。起而開新紀元矣。

第十四章 歐洲列國之變動

一、革命後之法國 與拉瑪治奴之 宣言

巴黎革命後。各國政治家。深察大勢。知其餘波遺燼。必蔓延全歐。有皇憂懼。不知所措。且當時呻吟于專制政體之國民。表同情于法國革命者。十居八九。法國振臂一呼。自可雲集響應。但法國暫時政府。老成持重者居多。決取平和主義以對待各國。故其新任外務長官刺瑪治奴。草一宣言書。于三月五日布之。中外。書中首言法國建設共和政體。決非與世界一切政體爲敵。次謂戰爭非法蘭西共和國之主義。復次則明斥一八一五年條約。謂爲不公不平。復次則謂法蘭西共和國。當使世界萬國。同享民主主義之福。不問何人。于人民自由。不許妄爲侵犯云云。各國君主。觀此宣言書後。英國首先承認法國新政府。其他各國。雖不願與法和親。然方從事鎮定內亂。無暇協議當法之策。時瑞士已以平和手段。建設共和政體。比利時荷蘭之改革。亦足少慰輿情。英國及西班牙。則皆以壓力抑遏革命黨。使不得逞。波蘭之暴動。亦爲俄普奧三國所平定。惟意大利與德意志革命黨。勢若燎原。不可撲滅。梅特涅雖日夜籌畫。謀所以阻其進行。而皆爲革命黨先發所制。不能施其技。

三月十三日。維也納人民。亦呼號自由。揭竿起事。奧帝腓治男一世。倉皇無措。即罷專政四十餘年之老相梅特涅。舉福伽們伯爵而代之。末幾福伽們以皇帝之名。新布憲法。意大利北部革命黨。聞此消息。遂大舉義師。盡驅奧軍出境。

三、德意志及意大利之革命

美蘭王亦起叛。屢敗埃軍。拿破王則派艦隊爲革命黨聲援。埃軍至此。四面受敵。惟拱手以待殲滅而已。同時普王風烈鐵騎威廉四世。亦聽人民要求。新組織自由黨內閣。德意志人民。則力謀統一。于三月三十一日至四月四日。開準備議會于佛蘭科。議決設統治德意志聯邦之君主政體。使立憲議會。握聯邦主權。凡其制定之憲法。不待聯合各邦承諾。即可實行。

四、德意志帝國勃興之初步

德意志愛國者。初亦欲建立共和政治。惟其人數過少。且舉國以彼等爲通敵于法國之民主黨。痛加摺斥。遂不得逞。時德意志人民皆主張恢復故土。即煽惑丹麥王國所領之波斯丁士列斯域二州。使之叛亂。普國政府並允爲之援。當時德國與丹麥。初無爭端。又不宣戰。突于一八四八年四月六日。遣發大軍。侵入波斯丁州。不匝月。遂占領全部。更進略焦蘭州。

五、埃國再亂及德意志帝國之總督

埃國首相福伽們。爲梅特涅高足。素深權術。專以彌縫爲事。五月十五日。維也納市民。遂再起倡亂。腓治男一世爲叛徒所要脅。不得已罷福伽們職。未幾復親率臣庶逃至芝洛兒州之因士輔歷市。夫埃帝必擇德意志之地。而爲避難之所者。蓋以佛蘭科議會。方議設立一統治德意志全土之暫時政府。苟帝不表同情于德人。則于暫時政府必頓失勢力。故帝之逃于芝洛兒州。實熟思而審處。是時哈勃士普路家之黨派。于德意志議會。尙占優勢。遂令議會決議舉腓治男一世之伯父約翰大公爲德意志帝國之總督。以七月十二日就職。即于是日解散聯邦議會。更組織新內閣。

六、意大利之自營及喬斯查之役

時意大利革命軍。屢戰屢勝。奧國政府。大爲憂懼。即提二議。一舉巴倫及摩的奴二州併于倫巴治。及奧領之威涅斯。使爲一國。一則放棄倫巴治。而與威涅斯以行政自治。但英法二國。均不贊成此議。且反援助革命黨首領西的紐王西爾查卑路。西爾查卑路乘此機會。要求奧軍悉行撤退。並於六月四日。降美蘭及倫巴治二州。巴倫摩的奴等亦決議合併于卑們。奧國于意大利之勢力。殆漸喪失。然西爾查卑路優游遲緩。不肯乘勝進軍。未幾巴黎再起革命。不能送軍援意大利。奧將巴的即舉兵襲卑們兵。大破之于喬斯查。其後幸英法二國出而調停。始得休戰。

七、介乎士拉威人與匈牙利人之維也納政府

奧國政府。獲意外大捷。軍氣益揚。轉向匈牙利。欲屈服而強制之。使其恭順無異曠昔。其初奧帝只以排斥南部士拉威人爲辭。陰煽使叛匈牙利。至是倡言無忌。公然援助士拉威人。九月三日。舉遮刺士格更任克洛蘭斯知事。

八、自瑪摩會議至佛蘭科會議

初丹麥人以無端爲普所侵寇。奮勇抵禦。但衆寡懸殊。漸不可支。乃乞援各強國。英俄奧瑞士四國。即合力干涉此事。以八月十六日。令普丹二國。于瑪摩訂休戰條約。此條約實利於丹麥。佛蘭科議會。以迫于列強。不得已與以批准。佛蘭科市民大憤議會之失當。是月十八日。相率攻擊議會。議會狼狽周章。求援普兵。始告無事。

奧國政府。既失德人之望。復招匈牙利之怨。勢力頹衰。十月二十六日。維也納市民。再翻叛旗。奧帝復奔赴格蘭蕭。當時匈牙利政府。新戴噶蘇士爲首領。兵

九、維也納之革命

力頗厚。若能神速進援叛徒。奧帝必不能恢復舊都。乃遷延不進。至十月三十一日。維也納與普歷。遂俱爲督治士羅繼公所征服。時佛蘭科會議。亦公然與奧國政府爲敵。欲由間接以排斥奧國于德意志聯邦外。遂決議于德意志帝國憲法。設一條文曰。凡帝國土地。不能與非德所領有之國合而爲一。蓋以奧國時欲提其所領全部以加入德意志聯邦也。

意大利于喬斯查戰後。革命黨雖稍斂跡。然禍機仍潛伏。羅馬人民。欲于羅馬市民招集代表意大利全國之立憲議會。一如佛蘭科立憲議會之于德意志。法王不允。愛國黨即入宮強相逼迫。法王不堪其擾。遂逃赴拿勃。時拿勃王已再解散議會。且欲以兵力征略西西爾島。旋以英法二國干涉。不得已與巴倫革命政府結休戰條約。至西的紐以得英法二國之援。抗奧益堅。當維也納變起時。奧軍大部屯駐于打紐部。不能分其兵力以及意大利。于是馬南及披勃所統帥之威尼縉革命黨。起抗奧軍。十月頃。與奧軍戰于腓納爾。大破之。其後倫巴治亡命。復大集于焦蘭。開一會議。發言激烈。痛罵奧國之無狀。

如上所述。奧國勢力衰弱已極。未幾新進銳敏之政治家士窪近畢爾。出爲首相。德意腓治男一世禪位于其子佛蘭疎亞佐治。俾無所掣肘以行其志。當其就職之始。即通牒佛蘭科立憲議會。謂彼以保奧帝國統一爲維一宗旨。德意志聯邦憲法。當勿設忤此宗旨之條項。且奧帝有查覈德意志新憲法之權利云云。其對于意大利事件之談判。則欲其曠日持久。勿克就緒。又知法兵不能援匈牙利。即遣督治

十一、士窪近畢爾之初政

十、羅馬之革命

十二、佛蘭科議會 與普魯士王

士羅繼及達刺士格二將占領卑斯市。于是匈牙利革命黨。遂窮無復之。佛蘭科會議。自接士窪近畢爾之通牒後。益厭惡哈勃士普路家。咸傾心于普王。思擁戴爲德意志皇帝。即派遣嘉拓倫于柏靈。探其意向。時普王頗傾向于田舍紳士黨之說。欲以嚴刑峻法。搜滅革命思想。然王固切望德意志冠者。今遇此機會。遂一變其宗旨。以十二月五日。爲普國發布新憲法。佛蘭科議會。聞此消息。催聲雷動。然爲豫防其專恣。欲先于憲法條文中。定德意志國民將來對其君長有要求權利條款。然後授以德意志帝冠。一面組織新內閣。作排斥奧國于德意志聯邦外之議案。提出議會。拒奧相士窪近畢爾之抗議。

十三、奧普二國之 競爭

奧相士窪近畢爾。深憤議會決議之不當。欲與普開談判。普王即于一八四九年一月十四日發一宣言書。大旨謂彼欲奧國于聯邦中只占名譽之首座。至德意志本土。則當以普爲中心。結一團體。而組織政治上及軍事上之同盟云云。其排斥奧國。實意在言外。士窪近畢爾知其然。遂于二月四日。答書抗議。且以奧軍已獲勝于匈牙利。頗不以德意志人爲意。三月四日。解散格蘭蕭之議會。使奧帝布一新憲法。合奧領各部。成一政治團體。設代表機關。以謀統一各部人民。

十四、瑪志尼及西 的紐王

時羅馬人民。已組織暫時共和國。舉最富才略之瑪志尼爲總裁。而素負人望之加里波的。亦求爲共和國盡力。同時普魯蘭士亦新設共和國。惟卑們內閣。不欲覆西爾查卑爾們之王政。而代以共和政。力制共和主義。不使傳播。並欲與法國政府援羅馬法王復位。至西的紐王。則爲各地革命黨所迫。遂背城借一。與奧

十五、一八四九年 法之德意志憲

決戰。以三月十二日。傳檄意大利全土。使起國民戰爭。佛蘭科之德意志議會。以奧國政府。方與意匈二國搏爭。知必無暇及己。遂以三月四日。忽布新憲法。十二日。更決議以普王爲德意志世襲皇帝。皇帝爲政事軍事及外交首長。對兩議院。須負責任。得內閣大臣輔弼以行國政。同時廢止聯邦議會。

十六、俄國之出兵

當時奧國于卑們及匈牙利。同時用兵。卑們之役。奧軍一舉獲勝。旋以英法調停而休戰。若匈牙利。本不易征服。適其時將軍喀兒捷與總裁官噶蘇士意見不睦。奧國乘此機會。請求俄國出兵干涉匈牙利。俄帝以波蘭亡命。相率而援匈牙利。而匈牙利人于波蘭獨立。亦表同情。深爲痛恨。且欲市恩于奧。故慨允其請。卽于是年五月。使其將巴士茄易率大軍。直入匈牙利。

十七 風烈鐵騎威 廉之退步

奧相士窪近卑爾。視俄奧同盟垂成。決意破壞普王統一德意志偉業。四月初旬。奧國政府宣言否認佛蘭科憲法。復遣使進謁普王。告以奧俄二帝。不欲王擅即德意志帝位。普王不欲違二國意。卽辭帝位。德意志人民聞此消息。大爲失望。于是聯邦各地。倡亂者踵接。幸賴銃炮之力。始得無事。夫使普王苟有大志。且負才略。則指揮若定。統一德意志偉業。唾手而成。乃王游移無主。議論多而成功少。重以是時王于丹麥大遭失敗。意氣沮喪。遂不圖進取。坐失時機。

是時奧俄之軍。進略匈牙利。屢戰皆捷。匈牙利力既不支。非特不可望獨立。且再受專制之桎梏。意大利亦然。奧國于亞勃內外。屢奏奇功。同時法國亦遣軍